


Detroit Tigers ta gana cu Eugene Kingsale den alineacion



TAMPA- E lucha pa e tres puestonan den outfield di Detroit Tigers, ta muestra di ta ser gana pa Eugene Kingsale y Torres. Un di nan lo bai hunga den centerfield y e otro lo bai cubri e jardin den left pero tur cos ta muestra cu manager Trammell ya caba a haci su escogencia mirando e patronchi cu el a bin ta sigui ultimo dos simannan.

Kingsale tin e mihor springtraining di su bida, bateando bon y embasando cu frecuencia y haciendo loke Tigers kier pa e haci, esta anotando careda.

Fuera di esey e ta aportando grandemente na e defensa di e ekipo den outfield, algo cu tabata malisimo temporada pasa, mientras cu Torres tambe tin un bate cayente pero sigur defensivamente no ta mihor cu Kingsale.

Eugene ta bai tin otro oportunidad pa traha riba su futuro den Grandes Ligas, ya cu Detroit no ta bai ta un ekipo cu tin e titulo den mente, pero solamente pa sobrevivi c'un payroll abao, y tratando na construi un ekipo pa futuro.

Manager Allan Trammell tin e tarea di converti Tigers den un ekipo consistente cu mester ta e base pa un bon ekipo pa futuro y despues di e ultimo temporada, poco ta kere cu cosnan por bai mes of mas malo cu Tigers.

Eugene Kingsale lo no tin e presion cu e mester rindi grandemente den e ekipo aki, pero e por sobrevivi haciendo e trabao cu e tin cu haci, esta embasando, coriendo base cu su velocidad y aportando na un bon defensa den outfield.

Te cu awor Kingsale cu

porcentahe di gana cu Tigers ora cu e ta den wega, ta un di esnan mas halto den e ekipo y esey na final por haci e diferencia kende lo ta regular of kende lo cumenza como reemplazante.

PROMEDEROTA

Mientras tanto Sidney Ponson den fin di siman a sufri su prome derota, ora cu el a muestra horibel den dos entrada, pa despues sinta su mes y tira manera el a bin ta tira for di inicio di entrenamentonan.

Sin embargo apesar di e salida swak aki di e lanzador Arubiano, Orioles ta kere cu Ponson definitivamente lo bai tin un bon temporada y lo bai rindi pa e ekipo, sea como lanzador di prome orden, of como oferta pa logra un bateador di poder pa yuda den e ofensiva di e ekipo.

Keto bai gerencia no kier papia di un contrato di termino largo pa Sidney ya cu ainda ta bibando e creencia cu e lanzador Arubiano lo ser cambia durante di temporada y kizas hasta den e ultimo dos simannan di e periodo di

entrenamento.

Sidney ta e mihor producto cu riores tin pa ofrece na e momentonan aki y gerencia kier haci uso di e oportunidad aki pa logra saca probecho cu sikiera dos hungador di taya pa e Arubiano.

Rumornan insistente cu Bon Dia Aruba a logra di capta ta muestra cu Yankee di New York lo ta interesa den servicion di Sidney, mirando kico ta pasando cu e staff di pitcheo den Springtraining.

E lanzadornan ta permitiendo hopi careda y no ta efectivo te cu awor y Sidney lo ta un di e brazanan hoben cu Yankees lo por usa pa bai den otro pelea pa e gana e World Series.

Yankees na e momentonan aki tin hungador di sobra pa duna Orioles y entre nan tin e Dominicano Raul Mondesi, cu tin e poder cu e ekipo di Baltimore ta buscando.

Fuera di Mondesi tin varios otro hungador cu Yankees lo kier sali for di nan sigur awor cu a sali na cla e gran efectividad di Matsui, kende ta bateando pa bon averahe y ta mustrand un ganancia tremendo pa e ekipo.

Fuera di Mondesi, Yankees por agrega Rondell White kende a bira di mas den outfield y no tin puesto pa e hunga por lo pronto, mirando e calidad cu tin den e ekipo na e momentonan aki.

Yankees ta un di e ekiponan cu tin material de sobra pa brinda na Orioles den un cambio pa Sidney Ponson y ta un di e probabilidadnan cu por tuma lugar pa e lanzador di Aruba.

Bon Dia Aruba. - (19 maart 2003), p. C5